

民國三年冬日

慶雲縣志

馬龍潭敬題

慶雲縣志

慶雲藏

拙堂馬

氏藏板

續修慶雲縣志序

嘗讀顧亭林天下郡國利病書而後知邑乘之為用宏也。莽
神如，雖統治於國家，實分治於郡縣。國家其拓都，而郡縣其
區，積天下郡縣而治理，井田國基固於苞桑，而安於磐石，可預
決焉。否則虐政不脩，民生日困，民智日荒，而民德遂偷，苟而不
可救，縱視廣土眾民之國，而政象替泯，大為可哀。然則一隅雖微，
其固係不基重歟。清宣統三年，奉檄來宰慶雲，以古世
變時艱，自顧德薄能鮮，深懼弗勝，然聖內賢如冉季，亦嘗
從政，行一己之學，驗以進為民之幸福，用敢不辭謏陋，效奮
為楨。奉凡教育農工警察獄訟自治，以及庶典庶革事宜。

慶雲縣志

序

類皆不遜勞怨，力促進行，無他，得盡一分能力，即稍減一
分罪戾，期無忝厥職而已。清甫暇年，始收效果，是豈一
身一足之勞，所能致。此之端賴賢士大夫，存策厚力，相助以
有成也。願以息，調任青島，未得果償志願。正今追憶，極
有餘恨。民國四年秋，謬膺

簡命，承乏奉天寧政，因誠在邊鎮，守使馬公騰溪，勅將
久宦遼瀋，生鎮邊陲，為國家長城之寄，慶重負珂鄉中。
孔子曰：居是邦也，事其大夫之賢者，友其士之仁者。義未獲
友，事勑將，徒切瞻韓，今竟於風雷邊陲，天假之緣，而歡
若平生，抑何幸也。掛別之暇，勉將毫末，編有續修志

又舉。且述。周於名宦之列。不禁感愧交集。夫以勅將。勞勞。國事。寢。交。不。運。而。猶。繫。念。梓。桑。表。新。文。獻。且。指。能。俾。延。聘。通。儒。周。諮。博。採。闡。發。幽。光。固。足。為。志。士。生。危。朝。際。此。國。粹。銷。他。道。德。淪。胥。之。日。尚。勅。將。之。風。嗚。呼。奮。發。興。起。以。是。挽。流。俗。之。倍。矣。慶。雲。古。燕。境。也。襟。渤海。帶。大河。昔。時。戰。爭。之。地。韓。呂。黎。所。謂。多。慷慨。怨。歎。之士。是。已。勅。將。挺。生。其。間。文。德。武功。振。廢。之。世。殆。鐘。靈。毓。秀。也。歟。慶。雲。於。慶。有。第。二。故。鄉。之。函。仔。其。向。山。川。文物。勝。蹟。流。風。有。足。為。者。惜。當。時。宰。慶。未。久。又。昔。材。疎。未。得。廣。為。蒐。羅。竟。一。辭。之。贊。猶。覺。耿。於。衷。莫。能。自。釋。今。復。有。勅。將。暨。父。老。公。棄。清。叙。於。予。末。光。采。

慶雲縣志

序

予雖小敏。敢不益自策勵。勉效涓力之一割。依俯日月之末光采。

民國四年十月奉天全省警務交交長張宏周謹序



敬題玉照

名將當年有舊蹤。流傳今古屬華宗。鳥飛踏水
勞新息。馬後蒸。領封侯表異容。而世長才今起鳳。有志
三人合體幸。成龍。新志扶風為邑。尚佳本。文武既
陶共服送。

劉鴻遠



照玉溪藤公馬使守鎮東將中軍陸章虎文等二章禾嘉等二

阮宏西先生祠

享年八十歲。武德褒封。文章壽世。中將受我培。夙深
師弟之緣。高明也。

鬼神所忌。然邪者耶。

碑別廿五日。道山遷逝。邑乘未終。文名垂宇。宙因廟

刻



總修奉議大夫秦宏西先生遺像

敬題玉照

歸然魯國靈光殿。道德文章一代宗。黑水白山夢
夢寐。光風霽月想儀容。讀書沒勃劬。牛馬統
滕兒孫舉九龍。何日乞身歸故里。執經問字願
相送。

馬龍潭



總編輯劉漸于先生像

續修慶雲縣志敘

自文字興而後有紀載。其間體例不一。舉其大者。亦曰國史。曰邑乘而已。國史記一朝善惡。寓褒貶於書法。而千古之法戒備焉。邑乘載一縣事蹟。寄著述於叙列。而一邑之掌故存焉。自古迄今。國史作於上。而邑乘述於下。然後朝野行事。信而有徵也。慶雲縣志。自前清嘉慶間。經崔君重修。分門僉載。朗若列眉。嗚呼善已。惟是星移物換。則歷史不同。日往月來。則時局咸異。方今民國肇基。國體既更。政策亦變。回憶從前世事。幾等滄桑。使非重加修輯。後之人考求遺迹。而父老無存。亦將感慨係之矣。東邊鎮守使馬君龍潭。以風雅儒將。作東北干城。慮世變日亟。

慶雲縣志

序

一

往事湮沒而不彰也。於是捐鉅貲。延通儒。或革或因。周諮博采。閱半載而新志告成。請敘於予。予不學無文。何敢妄作一辭之贊。特以馬君繼往開來之勝事。有足多者。爰為述其巔末。并諸簡端。亦使後之覽者。讀斯志而不忘前賢。庶幾今古相承。將有感發而興起者矣。民國三年冬。慶雲縣知事孟繁蔭謹序。

序

自古徵文考獻，足以信今而傳後者，國則有史，邑則有志。慶邑志迄今未續修者，已甲子一週矣。其間人物事實，有待重修而增補者，難以枚舉。倘不即今錄存，恐時異勢殊，將有與歲月俱湮者，未免遺憾。總數年前修畿輔志，修郡志，慶邑亦得參末議。然錄其略未及其詳，載其鉅未盡其細。又況民國成立，於今三年，其政教科條，制度典章，度支款項，種種變更，均不可以無志之。則重修不綦要哉。第籌款無由，未如之何。陸軍中將東邊鎮守使馬君藤溪，予通家弟也。四月中進京謁

大總統後，請假旋里，談及邑志續修，慨然獨任。出貲屬余董其

慶雲縣志

序

二

事。余識淺學陋，愧不勝任，而再三推讓，辭不獲已。因集眾紳共議，皆翕然稱善。一切事務，靡不踴躍欲從。又幸劉君漸于學問淵博，考證詳明，樂於贊成，以匡余之不逮。復出劉小韓公所存志稿，以備參考。存舊增新，秩然有據。余因竭盡心力，勉強以終其事。雖不敢云如古史之文獻足徵，第不苛不濫，可以信今而傳後。庶無負馬君之信任云。邑貢生候銓州判秦夏聲序。

續修慶雲縣志序

我中華當羣雄角逐之際，獨嶄然首出，稱文明國者，豈不以上有四千餘年歷史，下有二千餘縣方志也哉！聖哲英雄，造時勢，正人心，其大經大法，功績言行，舉登簡編，而傳萬世，後人遵循遺徽，猶能事半功倍，仰其風采者，且足懦立頑廉，是以徒有聖哲英雄，而無歷史方志，則軀殼委蛻於人間，精神何能震鑠於宇宙，史志之有關國政，不綦重歟！吾邑志書，創始於明清季疊修，崔曉林正甫兩先生，橋梓繼美，體例益臻精詳，邇來已五十年矣。戊戌以還，時局丕變，廢帖括，試策論，停科舉，辦自治，詔立憲，除帝制，倡民權，復選舉，其間玄黃百戰，禾黍滄桑，事事皆足

慶雲縣志

序

三

為志書生色，發世人感慨，迨共和肇造，青年俊才，往往醉心歐美，治旁行斜上之文，束典策於高閣，顧政體雖更，民彝未改，設任其橫流滔滔，不引手拯救，數十年後，恐至經史掃地，道德淪亡，此吾所以思往事，念未來，不勝戰慄浩歎者也。且修志之事，至為繁縟，謠咏則衆口燒城，怨望則讒言盈車，是以束身自好之儒，輒畏難袖手，予本武人，久戍邊城，鄉賢德業，多不殫悉，何敢妄與著述之事，特以鄉邦文獻，所關至鉅，年遠事湮，葺補彌艱，幸耆老宿儒，如秦宏西劉漸于先生者，年八十餘，尚健壯，網羅放失，紀述幽隱，聞見洽博，成功較易，採訪諸公，復能博訪周咨，自備資斧，不辭勞瘁，因取曉林先生舊志，徵蒐劉小韓先生

未梓續編、增新補舊、或創或因、不敢掠他人之美、亦不敢失前人之真、惟方志舊例、率皆墨守生存不錄主義、夫苟有其德、則生亦足式、若無可法、則古詎可泥、况東居流言、謙恭下士、真偽混淆、中道改節、亦千秋史冊所僅見者耶、故此次續修、惟冀善行之昭著、不計其人之存亡、寧恕小過、不沒微長、至於高尚君子、抱道韜光、獨善其身、惟恐世人之知聞、則無從表揚、雖成書之後、難免蕪雜疏漏、不文之譏、而保我千古文明、闡我鄉賢心血、浩氣常存、斯文不喪、以備他年有道能文者正式修志之取材、知我罪我、付之軒渠而已、茫茫禹域、彈丸慶雲、其尚有保存中華國粹、采擷歐美精英、揚鄉賢耿光、為邑志榮耀、以與羣雄

慶雲縣志

序

四

角逐於優勝場中者乎、予將馨香以祝之矣、書已將成、宏西師遽歸道山、靈光傾頽、文獻幾與俱亡、幸肇西漸于兩先生、始終成全、邑志未致中輟、可謂不幸中之幸、惟冀鄉人父老、繩愆糾謬、匡我不逮、勿貽他人口實、更冀宏博碩學、更修續補、俾成完全信史、則不勝盼禱者耳、甲寅冬至日、陸軍中將東邊鎮守使、馬龍潭謹敘、

舊序

邑之有志。猶國之有史。存往迹以彰訓者。恒於斯也。貽後來以樹軌者。恒於斯也。志之義也大矣。方今海內凡郡若邑。咸各有志。視一統志尤加詳焉。蓋一統者舉其要也。郡邑者盡其詳也。可以互相觀矣。矧茲邑國初。諱無隸縣為慶雲。分屬瀛洲郡。亦畿輔邑也。被沐王化。迄今歷二百餘載。迺無志可稽。是不為闕典矣乎。蓋亦司令者之責也。余丙子歲來尹是邑。越明年政務頗暇。訪諸學宮。得一抄本。第其荒誕踈淺。匪可示訓。安在其能垂憲於後也。既而詢諸士大夫。聞羽墀楊君。留神邑志。今果得之。語記載則悉。語採擇則精。其文直其事賅。余喟然歎曰。邑其

慶雲縣志

舊序

五

幸哉。是志也。湮廢於歲久。創修於一旦。俾天下後世。誦沿革志。而見古今之變。誦山川志。而見形勢之勝。誦方域志。而見遠邇之迹。誦星野志。而見休咎之徵。誦人物田賦志。而見盛衰之實。盈縮之故。誦物產建置志。而見土性之宜。淫正之殊。志為信志矣。何也。蓋志之為體。事以實之。貴乎不誤。辭以華之。貴乎不陋。道以通之。貴乎正當。法以檢之。貴乎謹嚴。慶邑之志。其庶幾乎此志之。所以可為美也。美則愛。愛則傳。由是而參考。由是而感發。由是而鑒戒。所謂彰訓而樹軌者。胥此焉。在邑之永賴於斯志也。豈曰小補乎哉。余亟欲繕刻。奈邑無良匠。時羽墀君方遊宦天長。余乃捐俸致書。募工壽梓。而僭為弁其端云。萬曆孟冬

之吉。知慶雲縣事柯一泉。

壬子秋奉檄督修邑志。刻期彙呈。於以輯文獻而裒盛治。事誠重也。予不敏。備員邑令。仰體上臺至意。夙夜靡寧。進邑紳士而增定之。缺者補。斷者續。隨時興除。與為損益。既成例。得序言以弁諸首。竊以志係綦重。而慶雲志之未敢以志自信焉。何也。慶之志。志僅一邑事。然邑合之郡。郡進之直省。直省上之閣部。則事通天下矣。慶為瀛屬末邑。僻處海濱。一望平原。斥鹵過半焉。既無山川形勝。可以壯疆圉而光簡策。且科第星疎。人文韋弱。兵燹之餘。城郭荒涼。村墟十九。訂訛攷謬。嗟往跡之多湮。援古證今。苦遺書之莫購。此慶邑志之未敢以志自信也。余於己酉

慶雲縣志

舊序

六

秋。來宰是邑。首徵邑志。知邑舊無志。志自明萬曆間。邑紳楊君始。則志之有也。屬創作矣。其間記載。不無繁蕪。編次。容有冗雜。豈採輯之失與。抑亦創始者之難也。邇來續修無人。闕佚未補。思欲刪繁從簡。增舊益新。彙為一帙。簿書。期會。日無寧晷。勸開墾。則往年之荒蕪方熟。幾於政拙催科。查保甲。則逃盜之督責方嚴。從爾心勞撫字。且也受事四載。三值歲災。履畝踏勘。申報紛紜。又何暇從事鉛槧。為邑乘地哉。恭值上臺嘉意文獻。余得附末光。以成夙志。幸滋厚矣。夫復何辭。延以限期促迫。攷證無據。舊志所載。傳信傳疑。期於言必疏理而已。不得不俯從輿論。參以管窺。如賦役必遵全書之款額。經略必詳載道之口碑。閱

學宮之載籍。則科貢可稽。採士民之公言。則節孝有據。他如疆域名區。一依舊志。風俗物產。稍從時宜。非曰聊檢舊牘。錄以塞責。亦以事先其重者大者。其餘則緒而治之矣。苟可以資上臺之採擇。則一毛似驥。亦堪不朽。輕塵足獄。其奚恤焉。若夫記載之繁蕪未除。編次之冗雜未正。此又余之慙焉。未敢以志自信。而跋焉以俟後之君子也。夫是役贊勸厥成。則學博王君紹孔。鄉紳馬君孚秀。鄧君國賓。杜君慎也。採訪商確。則王生任歐。宗生社泰。劉生元宰也。訂證而潤色之。以終其事者。允貞崔子之力也。尉張君星煌。俱與有勞。例應並書。康熙十二年。歲在癸丑。夏六月。知慶雲縣事李居一撰。

慶雲縣志

舊序

七

一朝開創。必有度越前代之規模。彪炳史冊。而政教號令之頒。文物聲名之盛。下逮薄海郡縣。表章揚厲。勒為邑乘。所以志一時之行實。備後世之鑒觀。甚鉅典也。余於甲寅春仲。始受命為慶雲令。即欲訪求縣志。期悉古今沿革。土俗民風。前賢往跡。利弊興除。嗣胥人持一冊至。披閱大概。新經陞任元公李公重輯。條分縷晰。犁然可考。及孟夏抵任。見一城如斗。所在凋殘。觀其境內疆域。為瀛滄末屬。北連鹽山。其三面俱與山左錯壤。崔符嘯聚。出沒無常。氓庶驚惶。商旅裹足。因憶慶雲屬滄州。為漢渤海地。前賢龔遂作守。曷以使民賣劍買牛。賣刀買犢。不特此也。額定地畝。載諸版籍。兵燹後為豪強侵。隱缺額一百九十餘頃。

每歲賦稅攤賠。閩邑飲害多年。憊憊子遺。所謂救死不贍。奚暇治禮義哉。蚤夜憂思。亟圖安全之策。嚴保甲。責巡防。勸長善。懲匪類。昔之驚惶者。今獲安枕矣。裹足者。今履坦途矣。歲丁巳奉有州縣官。查地三百頃以上。即陞之例。遂躬親丈勘。誥戒多方。清出地畝四百餘頃。余待罪民牧。烏敢以功名自倖。置民瘼於弗問哉。即將查出地畝。補足缺額。外多一百一十六頃有奇。冊報徵租。今則戶無包賠。人安耕鑿矣。於是捐俸鳩工。建社學於黌序左側。延師設教。呶唔之聲。洋洋盈耳。棧樸菁莪之化。庶幾拭目俟之焉。統論慶雲風俗。民樸而野。士樸而敦。俗不修文。而知好義。且也城無碑甃。屋無瓦蓋。鄉無物產。地無古跡。無玉帛

慶雲縣志

舊序

八

之玩。無聲色之娛。無獄訟之繁。無兵馬驛騷。使客舟車之擾。如坡公所云。大抵皆無耳。採風者可以知其山窮水盡。地瘠民貧之至矣。七載以來。余固安其民俗之貧。而其士民亦竟忘余之拙也。前有未備。聊為修舉。今時和年豐。皇上宏開史館。纂輯明書。徵催新舊邑志。用敢忘其疎漏。補其缺略。訂其舛訛。以付青史。並垂不朽。若夫因時制宜。隨俗起化。以愛養斯民。期不負厥職。以不負朝廷設官之意者。不能無厚望於後之君子。康熙十九年。歲在庚申。秋八月。知慶雲縣事李興祖謹。

慶邑之有志。自萬曆四年。蒞茲土柯公始。歷百餘年。至我皇上御極。允輔。臣請修天下通志。元公李公。得以重修而志始備。閱